

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput III. Divinum præceptum, non occides, generale est; ab eo proinde
nullas exceptiones facere licet, nisi quas ipsa fecit divina Authoritas; quæ
cùm non nisi tres exceptiones fecisse legatur, ...

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

C A P U T III.

Divinum praeceptum, Non occides, generale est; ab eo proinde nullas exceptiones facere licet, nisi quas ipsa fecit divina Authoritas; cum nonnisi tres exceptiones fecisse legatur, alias facere non licet.

11 *Q*uod à generali illo præcepto nullas exceptiones facere licet, nisi quas divina fecit Authoritas, manifestum est, cum ex dictis precedentibus capite, quod solà Dei autoritate licet hominem occidere. Tum ex dictis to. 1. Prolegom 2. ubi demonstravimus à generali Dei lege, ratione vel authoritate pure humanâ exceptionem fieri non posse.

12 Unde cùm nonnisi tres exceptiones divina Authoritas fecisse legatur: primam scilicet lege generali, permittendo ut iusta bella gerantur: secundam similiter lege generali, dando gladium publicæ potestati, ut malefactores Reipublicæ noxiös occidat: tertiam iustissimè speciali, aliqui vel aliquibus mandando, ut se vel alium interficiant: alias exceptiones facere non licet. Quisquis proinde extra hosce casus hominem occidit, homicidii criminè innectitur, uti docet Augustinus l. 1. de Civit. Dei c. 21. *Quadam verò exceptiones eadem ipsa divina fecit Authoritas, ut non licet hominem occidi.* Tres verò proximè dictas recensent: primam his verbis: *Nequaquam contra hoc præceptum fecerunt, quo dictum est: „Non occides, „ qui Deo Autore bella gererunt.* Secundam verbis immediatè sequentibus: *Aut personam gerentes publica potestatis, secundum ejus leges, hoo est iustissima rationis imperium, sceleratos morte punierant.* Tertiam proximè subiecit: *Ei Abraham non solum non est culpatus crudelitatis criminib, verum etiam laudatus est nomine pietatis, quod voluit filium nequam sceleratè, sed obedienter occidere.* Post quæ concludit: *His igitur exceptis, quos vel lex iusta generaliter, vel ipse fons iustitia Deus specialiter occidi jubet, quisquis hominem, vel seipsum, vel quemlibet occiderit, homicidio criminè innectitur.*

13 Quisquis ergo prætendit exceptionem à generali illa Dei lege, *Non occides*, huic incumbit probare, quod exceptio illa continetur in una ex tribus illis. Partim quia ubi lex est generaliter lata, exceptio debet ab allegante probari, ut communis est ac recepta Jurisperitorum, Canonistarumque regula, fundata in L. de presio 8. ff. de public. in rem act. ubi dicitur, quod lex generaliter loquens, generaliter est intelligenda, quamdiu utique non probatur quod restringetur per aliam legem specialiter loquentem. L. in rito ff. de reg. Jur. Generi enim per speciem derogatur. L. servis urbanis ff. de Fun. instr. Partim quia nisi probetur eam contineri in una ex illis tribus, probari non poterit ex Scriptura, vel Traditione. Per consequens probari non poterit eam divinâ fieri authoritate: cùm sola Scriptura sacra & Traditione divinæ sint authoritatis securi indices.

Enimvero si aliam exceptionem facere licet, præter illas tres, quas divinâ factas esse authoritate constat ex verbo Dei Scripto & tradito, ratione purè humanâ licet à generali Dei lege excipere. Quod loco citato fieri non posse demonstravimus, & ipsam ratione probatur: utpote quæ dictat, à præcepto, *Non occides*, alias exceptiones faciendas non esse, nisi tres illas, quas divinâ authoritate factas esse per divinam Scripturam & Traditionem edocemur. Nam, ut præclarè dicitur eruditissimus Denuntiator doctrina RR. PP. Collegii Anglo-Leod. Soc. Jesu Denuntiar. xi. nisi hic limes figuratur rationi humanae, nusquam ea pedem certo figet, & sensim racione progressa, ipsum tandem præceptum revertet, ut manifestum faciunt exorbitantes opiniones cap. 1. exhibet. Quarum Authoribus imprimis æquum & rationi consentaneum visum est, occidere injustum invadorem vita. Deinde ex hoc ipso idem concluderunt de invadore honoris, qui ipsi visus est charior vita. Ab invadore honoris, progressi sunt ad invadorem pudicitia; cuius invadore, invader est honoris. Atque idipsum concluderunt de invadore bonorum temporalium, sine quibus vita commodè vel honorabiliter duci non potest. Ac sic tandem pullularunt tot illæ exorbitantes opiniones, de quibus proximè Deo utique per eas manifestantur, adeò erraticam esse rationem purè humanam, ut si semel ipsi permisum fuerit à generalibus Dei legibus exceptionem, in Scriptura vel Traditione non fundatam, facere, nihil in illis firmum permanebit, in hoc statu natura corrupta, in quo *unusquisque, non ex regula veritatis, sed ex cupiditate & consuetudine meisur malum*, ut Augustinus dieit in l. de mendac. c. 15. Cupidas vero, sicut & consuetudo, adeò rationem offuscat, ut, telle Ariâ Montano c. 29. non defuerint populi, qui diis suis annè sacrificarent quinquaginta hominum millia, quibus id nedium honestum, sed & religiosum esse sua ratio humana dictabat; qua proinde obrutescere facit homines (ut loquitur Athanasius) dum in interpretandis, refringendisque generalibus Dei legibus judex affluitur.

Itaque à generali Dei præcepto, *Non occides*, ratione purè humanæ non magis concessum est exceptionem facere, quam à generalibus aliis Dei præceptis. Cur enim non ab aliis, si ab illo? Cur Christiani Chinenibus licetum non sit cultum divinum exterius idolis exhibere, eum interiu ad verum Deum dirigendo, quando altera vita & bona servari non possunt, si in tali circumstantia invadore iniquum occidere licet? Cur similiter Susanna permittere non potuit senibus utrum corporis sui, præceptum, *Non macaberis*, intelligendo, *nisi macbari necessarium sit ad mortem evadendam?* Cur præceptum de non edendis carnibus porcini Machabæi cum ista exceptione glossari non potuerunt, *nisi necessarium sit ad vitam servandam?* Et sic de aliis.

16 At (inquis) præceptum, *Non occides*, naturale est. Ad rationis ergo naturalis iudicium est referendum, quando licet vel non licet occidere. Rationabiliter proinde dicitur præcepto illo solum prohiberi, ne quis occidat sine iusta necessitate.

Respondeo, etiam præceptum de uno Deo colendo, de non mœchando, &c. naturale esse; ab eorum tamen generalitate rationem naturalem non posse excipere, nec illa sic glossare, ut non licet idola exterius adorare, mœchari, &c. sine iusta necessitate. Ergo similiter, &c.

17 Si dicas præceptum, *Non mœchaberis*, nullam pati exceptionem, ut patitur præceptum, *Non occides*.

Respondeo **1°**. præceptum, *Non occides, sine divina autoritate*, nullam etiam pati exceptionem, ut constat ex dictis c. 2.

18 Respondeo **2°**. si Deus vellet concedere alicui usum corporis uxoris alienæ (uti concedere potest de potentia aboluta) dominio non concessit, in illo casu præceptum, *Non mœchaberis*, exceptionem pateretur, hanc videlicet, *Non mœchaberis, sine divina concessione*. Nec tamen adhuc illo casu, à generalitate præcepti, *Non mœchaberis*, ratione naturali licet excipere.

C A P U T IV.

Principibus & Magistris, in bello justo, licitum est hostes occidere, sciri & malefatores Republicæ noxios, etiam pro solo furto.

19 Superiori capite demonstravimus, à generali præcepto divino, *Non occides*, non dari exceptionem ullam, nisi quam Deus ipse fecit; præceptum proinde illud sic glossari non posse, *Non occides, sine iusta necessitate*, cuius index sit naturalis ratio nostra, nec aliam admittere exceptionem, nisi comprehensam in una ex tribus ibi designatis; utique non occides nisi speciali Dei iustione, vel publica autoritate, duobus in casibus à Deo concessis, scilicet in bello justo, & in legitima malefactorum Republicæ noxiiorum punitione.

20 Quod enim licet se vel alium occidere, ex speciali Dei mandato, ad ipsum extraordinariè directo, constat ex Genet. 22. ubi Deus mandavit Abraham, ut filium suum Isaac offerret in holocaustum. Apostolus quoque Hebr. 11. inter eos qui fide probati sunt, laudat Sampsonem, qui se una cum Philisthiis occidit. Et Ecclesia pro Martyribus collit eas, quæ, ut insectatores sua pudicitia devitarent, in fluvium sese projiciebat. Quod factum Augustinus lib. 4. de Civit. Dei c. 26. non aliter excusat, nisi quod id Spiritu sancto interiori jubente fecerint: *Sicut* (inquit) de Sampson aliud nobis fas non est credere, nisi utique quod Spiritus latenter hoo iussifera, qui per ipsum miracula faciebat,

21 Quod etiam in bello justo, publica autoritate, Principes, eorumque milites non pec-

cent, dum hostem aggrediuntur & occidunt, constat ex divina Scriptura docente quod Deo auctore justa bella geruntur. Deo namque auctore, Abraham Genet. 14. hostes aggressi sunt, ac devici. Similiter Moyses, Josue, David, &c. ut constat ex Numer. 21. & 31. ac toto penè libro Josue, &c. Unde cùm à Joanne Baptista Luc. 3. milites quæsiissent, quid sibi faciendum esset, ipsis non prohibuit militare; sed neminem (inquit) concuerit, nulli calumniam faciat, sufficiat vobis stipendium vestrum, prout Augustinus adverit ep. 205. l. 22. contra Faustum c. 74. &c.

Denique publica Principum ac Magistratum auctoritate facinorosos homines, Re-publicæ noxios, ex legum iustarum præscripto occidi posse, & debere, & ad hoc potestatem ipsis à Deo datam esse, constat ex 2. Paralipom. 19. ubi pius Rex Josaphat Judicibus Iuda: *Vide te (inquit) quid facias: non enim hominis exercitus iudicium, sed Dominini, vindices ab ipso positi in iram iis qui male agunt*, juxta illud Rom. 13. *Si malum feceris, time: non enim sine causa gladium portat. Dei enim minister est, vindicta in iram ei qui malum agit*. A Deo ergo Principes & Magistratus gladii jus acceperunt ad punitionem & vindictam malorum, ita ut contra commissum sibi à Deo ministerium peccent, si malefactores dimittant impunitos, juxta illud 3. Reg. 20. *Quia dimisisti virum dignum morte de manu tua, erit anima tua pro anima illius*.

Nec Scotus iure excipit fures: cùm nec Scriptura excipiat, nec Traditio, & ratio propter quam Deus potestatem illam Magistribus traxit, etiam in furibus procedat. Cur enim alios malefactores à Magistribus occidi voluit, nisi quia Re-publicæ noxi sunt, & amputandum est membrum toti corpori noxiu ad salutem totius. At etiam fures Re-publicæ noxi sunt. Unde bonus latro in cruce confessus est se digna factis receperisse, & Deus Ioseph 7. iussi occidi Achan, ob furtum laminæ aureæ, ut dicitur ibi versu 11. observatque Imperfectus in Matth. homil. 41.

At, inquit novissimus Scotti defensor, Bonaventura Baro, in suis Ethicis Apolog. 5. act. 7. in Synagoga fures morte non plectebantur, sed multæ, ut patet Exodi 22. *Si quis furatus fuerit ovem, vel bovem, & occiderit, vel vendiderit, quinque boves pro uno restituet, & quartus oves pro una ova*. Atqui in lege Evangelica, quæ dulcedinis est, durius puniri non debent, quam in lege Mosaïca. Nec id iustitia permittit, quia in iusta punitione servanda est æqualitas inter personam & calpam; non servatur autem, dum bonum superioris ordinis, scilicet vita, aufertur pro bono inferioris ordinis, v. g. pecunia.

Respondeo **1°**. etiam Synagogæ tempore fures & latrones morte multatos fuisse, ut constat in Achan, & in latronibus cum Domino crucifixis.

Tom. II.